

## **Kapitali 7. PEQQINNISSAQARFIMMI SULISUNIK NAKKUTILLIINEQ MAALAAARUTILLU**

### **Nakkutilliinerit**

Peqqinnissakkut Nakkutilliisoqarfiup sulinera pillugu Namminersornerullutik Oqartussat nalunaarutaanni nr. 1-imi, 4. januar 1996-imeersumi § 7 naapertorlugu Peqqinnissakkut Nakkutilliisoqarfiup (maanna Nunatsinni Nakorsaaneqarfik) peqqinnissamik suliaqarnermut tunngasut allat, sulisorisanit peqqinnissamut tunngassutilinnik ilinniarsimasunit, akuersissummik peqanngitsunit suliarineqartut misissuiffigisassarai.

Misissuinermit suliassat Nunatsinni Nakorsaaneqarfimmiit isumagineqartarput, assersuutigalugu napparsimasuniit, sulisorisanit, immikkoortoqarfinni sumiiffinnilu allaniit saqqummiunneqartartut, aammali tusagassiuutiniit peqquteqartumik imaluunniit tassanngaannartumik ilimagisaanngitsumik toqusoqartarneranut tunngassuteqartut saqqummiunneqartarput. Inatsisitigoortumik assersuutigalugu toqusoqarneranik uppernaarsaatit misissuataarneqarneranni suliassat arlallit Nunatsinni Nakorsaaneqarfimmiit saqqummiunneqartarput.

Misissuinerit napparsimmaviit atuuffiunut tunngatinneqarsinnaapput, assersuutigalugu nakorsaatinik tunniusineri uppernaarsaasiarnermut tunngassuteqartut, peqqinnissamilli suliaqarnermut peqqinnissakkut sulisorisat ataasiakkaat isumaginninnerinut tamatigut taamaattut tunngatinneqartarput. Inunnut ataasiakkaanut tunngassuteqartut, assersuutigalugu aalakoornartumik atuinerlunnerit tarnikkullu nappaateqarnerit sulinermut sunnuteqaataasarput, taamaattumik taamatut ittut misissuisarnermi pingaarutilittut ilaatinneqartarput.

Nunatsinni Nakorsaaneqarfik 2009-mi misissuineri suliassanik nutaanik arfineq-marlunnik saqqummiussa-qarpoq. Suliassat pingasut ilimagisaanngitsumik toqusoqarnera tunngavigalugu saqqummiunneqarput, taak-kualu ilaat ataaseq Peqqinnissaqarfimmi Napparsimasut Sullinneqartarneranni Maalaaruteqartarfik sinnerlu-gu saqqummiunneqarlutik. Suliat ilaat nakorsaagallartunut peqqissaaveqarfimmullu ataasiusumut tunnga-suupput. Suliat 14-it 2009-mi naammassineqarput.

Suliani marluusuni nakorsat marluk Danmarkimeersut nakorsaatinik atuinerlunnermik tunngaveqartumik Ka-laallit Nunaanni suliffissarsiortut misissuiffigineqarput, aappaali Kalaallit Nunaannukanngilaq. Suliaq ataaseq nakorsap ilinniakkatigut piginnaasaanut tunngassuteqarpoq, nakorsarmi immikkut ilisimasaliummat nunallu immikkoortuata napparsimmaviani siamasissumik suliassa-qarfiusumi pisinnaasaminik ajornartorsiuteqarmat. Tusagassiuutini tunngavilersugaanngitsumik maalaarutit peqqissaaveqarfimmi misissuinissamik tunngave-qartitsilerput.

Nunatsinni Nakorsaaneqarfik 2009-mi Sisimiuni, Uummannami Upernavimmilu misissuiartorpoq, tamatumani napparsimmavimmi, utoqqaat ulluanni ulluuneranilu paaqqinnittarfimmi misissuiartortoqarluni.

### **Maalaarutit**

Namminersornerullutik Oqartussat nalunaarutaanni § 14-18 naapertorlugit Nunatsinni Nakorsaaneqarfiup peqqinnissamik suliaqarnermut tunngassuteqartut napparsimasut maalaarutaat suliarisarpai. Maalaarutininik suliarinnittarnerit Danmarkimi Napparsimasut sullinneqartarneranni Maalaaruteqarfik (PKN) sinnerlugu qani-mullu suleqatigalugu suliarineqartarput, taannalu maalaarutigineqartunik aalajangiisartuuvoq.

Nunatsinni Nakorsaaneqarfiup suliassaraa suliat qulaarneqarnissaat siunertaralugu misissuisarnissat. Maalaarutit paatsuuinermik tunngaveqaraangata taamaattut aaqqiiviginiarneqartarput, pisariaqarpat napparsima-sut peqqinnissakkullu sulisorisat akornanni attaveqaateqalersitsisarnikkut.

Maalaarutigineqartoq qanorluunniit pinartigigaluarpat Nunatsinni Nakorsaaneqarfiup pisussaaffigaa tamak-kiisumik suliamik suliarinnittarnissaq.

### **Nunatsinni Nakorsaaneqarfiup maalaarutininik suliarinnittarnerata ingerlasarnera:**

Suliamut susassa-qartuniit napparsimasut allattaavii oqaaseqaatillu pissarsiarineqaraangata, peqqissaar-tumik suliap saqqummiunneqarnissaa pillugu suliarinnittoqartarpoq, tamatumani suliamut pineqartumut pin-gaarutilinnik Kalaallit Nunaanni pissutsit atugassarititaasullu nassuiaaserneqartarnissaat Nunatsinni Nakor-saaneqarfiup pingaartittarlugit, PKN-illu imaaliallaannaq ilisimasaqarfiginngisaatut ilimanaateqarsinnaasut. Kingorna suliap saqqummiunneqarnissaa Nunatsinni Nakorsaaneqarfiullu naliliinera inassuteqaataalu aala-jangiiffigisassatut PKN-imut nassiuunneqartarput, pisariaqartumik immikkut ilisimasalinnit oqaaseqaatinik pissarsiniartussamut, susassa-qartut allallu tusarniaavigissallugit, maalaarutigineqartup aalajangiiffigineqalin-ginnerata saqqummiunneqannginnerani.

Nunatsinni Nakorsaaneqarfik peqqinnissaqarfimmi Kalaallit Nunaanni atugassarititaasunik immikkut ilisimalittut maalaaruteqartarfiup aalajangiinissaanut oqaaseqaatinik saqqummiussaqaarsinnaavoq. PKN-ip sule-riaasissaa 14. september 1998-imeersoq naapertorlugu periarfissiisoqarpoq, Nunatsinni Nakorsaaneqarfik namminersuutigalugu sulianik saqqummiussaqaarsinnaasassasoq.

2009-mi maalaarutit 71-it nutaat saqqummiunneqarput. Titartakkami 26-mi atuarneqaarsinnaasutut inuiaqati-giit amerlassusaat eqqarsaatigalugu Kalaallit Nunaanni maalaarutigineartartut PKN ataatsimut eqqarsaatiga-lugu sulii amerlasuujuusut, imaappoq naalagaaffeqatigiinni tamarmiusuni.

Katillugit suliat 54-it naammassineqarput, tamannalu suliat pissarsiarineqartut amerlassusaannit ikinnerullu-tik. Suliat arfineq-marluk pissusaasutut oqartussaasunut allanut nassuteqqinneqarput, tallimat utaqqimaar-tinneqarput, PKN-ip suliap suliarineqarnissaanut pisariaqartinneqartut paasissutissat sukumiisut maalaarute-qartup uppersaasernagit saqqummiussimannngimmagit.

PKN-ip 2009-mi suliat 42-t aalajangiiffigai. Taakkunannga arfinillit pisoqalisoorisimani pissutigalugit itigartit-sissutigineqarput.

Maalaaruteqartarfiup maalaarutigineqartut qulit assuarliuteqarfigineqarnissaat tunngavissaqartippaa, imaap-poq peqqinnissamut sulisorisat ataaseq arlallilluunniit oqaqqissaarfigineqarput.

Suliani pingasunni innersuussuteqartoqarpoq. Assuarliut ilinniakkat eqqarsaatigalugit ingerlateqqinneqarpoq, akiuussutissat annertussusissaannik kukkuneramik, napparsimasumik amigartumik qulaarinnittoqarneranut innersuussisimanermulluunniit, kiisalu amigartumik napparsimasut allattaaviini nalunaarsuisimanermut.

Kinguliani 2009-mi suliat assuarliuteqarfigineqartut naatsumik makkua nassuiaatigineqassapput:

1. Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu nunap immikkoortuani nakorsaq napparsimasumik sakissamigut ippigisaqarto-rujussuarmik tarrarsuisimannginna pillugu assuarliuteqarfigineqarpoq. Puannik qinguartaanermi pissutsit nalinginnaasuupput sakissamilu nukiit ippigineqarlutik, maalaaruteqartarfilli isumaqarpoq, nappaatit ersiutai assigiit pingasoriarluni saaffiginnissuteqarmata, siornatigullu tillernerluttoqarsima-nera anerikillioortoqartarsimaneralu paasineqareersimammata, piffissami pineqartumi pisariaqarsi-magaluarpoq aammaarluni aalajangiinissaa pillugu misissuisoqarsimasariaqaraluarnera, nuanniil-liuutit nappaateqarnerullu ersiutai saqqummiunneqartut allatut nassuiaaserneqaarsinnaanerit aala-jangiiffiginarlugu. Suliami peqqissaasut nakorsallu allat akuusut assuarliuteqarfigineqarnissaat maalaaruteqartarfiup tunngavissaqartissimannngilaa.
2. Isit nakorsaat misissukkaminik suliarinninnermini assuarliuteqarfigineqanngilaq, taamaattorli Nap-parsimasut inatsisitigut inissisimanerat pillugu Inatsisartut peqqussutaanni § 6 aamma § 7 naapertor-lugit isimik suliarinnilnginnermi akuerineqarnissamut pissarsiniarsimannginneq pillugu assuarliute-qarfigineqarluni, nakorsap suliarinninnerup nalaani kingunerluutaasinnaasut pillugit naammattumik ilisimatitsissuteqarsimannngimmat, tamatumunnga ilanngullugu isigisinnaanerup suliaritinnerup siornatigornit ajornerulersinnaanissaa pillugu. Maalaaruteqartarfik isumaqarpoq, suliarinninneq tamatu-malu siornatigut misissuisimanerit nalinginnaasumik ilinniakkatigut ileqqussat akuerisaasut naaper-torlugit ingerlanneqaarsimasoq.
3. Malugisimajunnaarsitsisarnermut nakorsaq assuarliuteqarfigineqarpoq pilattaalluni ernisitsinermut atatillugu qiteqqamik malugisimajunnaarsitsinerup naammattumik sunniuteqarnissaa qularnaarsi-mannngimmagu. Arnat nappaataannut nakorsap pilattaalluni ernisitsineq unitsittariaqarsimavaa, taa-maalinerani immikkut nakorsaatini nipaallisaasiisoqarluni. Nakorsap naliliipput, naalungiarsuup inuunera ulorianartorsiortinneqaarsinnaasooq, arnaq tamakkiisumik ilisimajunnaartissallugu piffissaaq sivisoq atorneqassagaluarpat. Taamatut aalajangiinermut imaluunniit suliarinninnermut maalaaru-teqartarfiup assuarliuteqartoqarnissaa tunngavissaqartissimannngilaa.
4. Peqqissaasut sulisinnaatitaanerit sulinerallu pillugit Inatsisartut peqqussutaanni § 9, imm. 1 naaper-torlugu peqqissaasooq napparsimasut allattaaviinut amigartumik allattuisimanini pillugu assuarliute-qarfigineqarpoq, napparsimasup seeqqumini ajoqusersimasut misissorneqarnera nalunaarsorsi-mannngimmagu. Peqqissaasup kinaanerata kinaassusersineqarnissaa periarfissaqanngimmat as-suarliut aqutsisoqarfimmut nassiunneqarpoq. Peqqissaasooq nakorsarlu napparsimasumik suliarin-ninnertik pillugu assuarliuteqarfigineqanngillat. Kingorna napparsimasooq Rigshospitalimi nakorsamit misissorneqarami taassuma paasivaa pineqartup nagguaata noqarutaa ajoqusersimasooq, nakorsarli tarrarsuisitsisimannngilaq, kingornalu paasinarsimmat, pineqartoq kanaamigut naffakuusooq, Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu assuarliuteqarfigineqarpoq, seeqqooq tarrarsorsimannngimmagu. Maalaaruteqartarfiup naliliineraa, seeqqumik ajoqusersimaneq kingornalu ippigisaqarujussuuarneq tarrarsuinissamik kinguneqartinneqartariaqartassasoq, pingaartumik ajoqusersimasooq seeqqumigut imeriaqalersimap-

- pat kanaamigullu ippigisaqartarsimappat.
5. Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu nunap immikkoortuani nakorsaaneq nakorsartitsinermini amigartumik napparsimasut allattaaviini allattuisimanini pillugu assuarliuteqarfigineqarpoq, tamatumani pineqartoq Dronning Ingridip Napparsimmavissuanut quumigut aattaqartoq innersuunneqarsimammat. Maalaaruteqartarfik isumaqarpoq, misissuineq suliarinninnerlu aallartinneqartoq nalinginnaasumik ilinniakkatigut piginnaasaqarnissamut ileqqussat naapertorlugit pisimasoq. Kingorna pilattaasarfimmi misissuineq qinnermut atatillugu paasineqarpoq, pineqartoq qinersimi nakasuup paavani kræfteqartoq. Misissugassat misissugassatullu aaviinnermi inernerit kukkusoornikkut nakorsamit suliarinnittumit toqqorsivimmuut ilineqarsimapput, taamaalillunilu suliarinninnissaq kinguaattoorluni. Tamanna tunngavugalugu aqutsisutut nakorsaaneq nakorsatut sulineq pillugu peqqussummi § 6, imm. 1 naapertorlugu nappaatilimmuut misissukkat malitseqartinneqarsimannginneranni ingerlatitseqqinnissap qularnaarneqarnissaa pisimanngimmagu assuarliuteqarfigineqarpoq.
  6. Nakorsatut sulineq pillugu peqqussummi § 6, imm. 1 naapertorlugu nappaatilip isimigut paasiuminaatumik isimi igalaasartaatigut ersernerlutsitsisoq tunillannartunissimasorlu isit nakorsaata suliarigamiut amigartumik napparsimasut allattaaviini amigartumik allattuisimanerminut assuarliuteqarfigineqarpoq. Maalaaruteqartarfik isumaqarpoq, suliarinnilinnginnermi isit nakorsaat naammattumik misissuisimanngitsaq, suliarinnilinnginnermi aseruunnerup suliarineqarnissaa siunertaralugu. Taamatuttaaq napparsimasut allattaaviini suliarinninneq pillugu nassuiaatinik allattuisoqarsimanngilaq, taamaallaalli suliarinninnermut ilisarnaasiisoqaannarsimalluni (kode), tamannalu maalaaruteqartarfiup suliarinninnermut naammaginangitsumik uppernarsaasiinerusoraa.
  7. Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu nunap immikkoortuani nakorsaq napparsimasumik quersortumik nuattumillu misissuisimannginneq pillugu assuarliuteqarfigineqarpoq, paarlattuanilli pujortarunnaarnissaq pillugu kaammattuiinnarsimammat. Nakorsiaq ukiup siuliani puammigut kræfteqarnini pillugu suliaritissimavoq, maalaaruteqarfillu isumaqarpoq, aamma inuit peqqinnissakkut suliaqartuniit kaammattuutigineqartunik maleruaanngitsut misissorneqartarnissamik neqeroorfigineqartassasut pisariaqarpallu pinartumik ajornartorsiuteqartut suliaralugit.
  8. Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu nunap immikkoortuani nakorsaanerugallartoq napparsimasumik nakkarnermi kingorna ajoqusersimasumik naammattumik misissuisimannginnera pillug assuarliuteqarfigineqarpoq. Napparsimasoq siornatigut assammigut napisissimavoq, maannali ippigisaqartorujussuulluni assanilu atorsinnaanagu. Pullanneqarpoq tilluusalunilu, assaalli ilaani toqqaannartumik toqqaannangitsumilluunniit ippigusuttoqarnera nakorsap misissunngilaa. Taamatuttaaq assaap ilaannaa tarrarsorneqarsimavoq, tamannalu Napparsimasut Sullinneqartarnerani Maalaaruteqartarfiup naammaginangitsutut naliliiffigaa, assammimi annertuumik qipisoortoqarsimammat. Maalaaruteqartarfik aammattaq isumaqarpoq, ullormi siullermi ullullu 14-it qaangiummata tarrarsuinerit napisoqarsimanageranik pasitsaassinermik kinguneqartitsisussaagaluartut. Qaammatit aappaa avillugu qaangiummat napinerit marluk paasineqarput, napinerullu iluarseriarneqarnissaa periarfissaarussimalluni.
  9. Juumuut pillugit inatsimmi § 8, imm. 1 naapertorlugu naalungiarsummik inoorlaamik BCG-mik akiuussusiinermini kukkusumik annertussusiliinini pillugu assuarliuteqarfigineqarpoq. Akiuussusiinnermi juumuut maleruagassani 0,05 ml-inik akiuussusiinani BCG-mut akiuussutissamik 1 ml-imik tunniussaqqarpoq, imaappoq kaammattuutigineqartut 20-riaataat sinnerlugit. Tamatuma kinguninngua tb-qalersinnaanermut naalungiarsuk katsorsarneqalerpoq. Siunissami sulinermini peqqissaarnerunissaanut maalaaruteqartarfiup juumooq erseqqissaavigaa.
  10. Nakorsatut sulineq pillugu inatsisip Kalaallit Nunaanni atortuulernissaa pillugu peqqussummi § 6, imm. 1 naapertorlugu nunap immikkoortuani nakorsaq napparsimasumik assammigut naffakup naammaginartumik suliarinnissimannginnera pillugu assuarliuteqarfigineqarpoq. Napparsimasoq gipsilernerqarpoq, sapaatit akunneri sisamat qaangiummata peerneqartumik, nakorsap napineq pitsaasutut nalilermagu mamikkiartortorlu paasigamiuk. Napparsimasoq iffiortuuvooq qaammatillu aappaa avillugu qaangiummat pineqartoq ippigusuuteqalerpoq, napinerlu kikisserlugu patajaallisarneqarluni. Maalaaruteqartarfik isumaqarpoq, taamatut napineq sivikinnerpaamik qaammatini arfinilinni gipseqartinneqartartoq, gipsillu peerneqarnerata nalaani tarrarsuinermi assit mamittoqarsimanageranik takussusiinngitsut.

Napparsimasut sullinneqartarneranni Maalaaruteqartarfiup suliani makkunani inassuteqaateqartoqarnissaa isummiuppaa:

1. Iluatsinngitsoortumik naartuiineq pillugu PKN-ip nunap immikkoortuani nakorsap assuarliuteqarfigineqarnissaa tunngavissaqarsorinngilaa, suliarinninnermi nalinginnaasumik ilinniakkat naapertorlugit ingerlanneqarsimammat, naartuinnartarnerlu kinguneqaataasarmat ilisimaarineqartoq qaqutigooruutuasartorlu. Kingorna arnaq naartuerneqaqqinnissamut akuersaarneqarpoq, tamannalu kakiortuilluni

ingerlanneqarpoq. Kingorna suliarinninnerup malitseqaatissaatut allisitsiuserluni misissuinerit pillugit akissuteqaateqartoqanngilaq, maalaaruteqartarfillu isumaqarpoq, nunap immikkoortuani nakorsaanerup misiligutinik misiligutillu akissuteqaataasa erseqqissumik periaaserineqartut malitseqartinneqarsimanissaat qularnaarsimasuuppagu.

2. Napparsimasup nangeqattaartumik puammigut, quersortarnermigut, aattalimmik qitserartarnermigut, unnunaanerani kiakkertarnermigut sanigulaarsimaneranullu nunap immikkoortuani nakorsap suliarinnissimanera maalaaruteqartarfiup assuarliuteqarfigissallugu tunngavissaqartinngilaa. Tarrarsuilluni assilisat paasinarsisippaat puaat sulluaraasa qanitaanni napisoqarsimasoq. Assilisat isumasioqatiigiissutigineqarput, nassuiaatinilli allassimasoqanngilaq. Nappaatilik pujortartartuuvoq pujortarunnaarnissanilu kissaatigalugu. Kingorna nappaatillip puai arlaleriarlutik misissorneqarput. Maalaaruteqartarfik isumaqarpoq, pissusissamisoorssimassagaluartoq, nappaateqartup tuberkuloseqarsimasinnaanera pillugu erseqqissumik isummersimasariaqaraluartoq misissueqqinnissamullu pilersaarussimasariaqaraluartoq, assersuutigalugu qitserarnermik misissuinissamik.
3. Nunap immikkoortuani nakorsap nappaatillip, napisereermermi kingorna atortuligaasimasup, qerataqputaanik kikiaanillu peersisup assuarliuteqarfigineqarnissaa PKN-ip assuarliuteqarfigissallugu tunngavissaqartinngilaa. Suliarinnereermermi ikini aseruunneqalerpoq, sivisuumik mamikkiartortumik. Maalaaruteqartarfik isumaqarpoq, sivisuumik mamikkiartortarnerit aseruuttoonerillu taamatut suliarinninnermut atatillugu pilersartuusut qaqutigootut, isumaqarlunili pissusissamisoorssimassagaluartoq nakorsap napparsimasut allattaaviini aseruuttoonerup qanoq annertutiginera nassuiarsimasuuppagu, tamannami suliarinninnermut aalajangiisuusumik pingaaruteqartussaasimagaluarat.

Napparsimasut allattaaviini eqqortumik suliarinnittarnissamut isummiusaaq sukateriffigineqarpoq, siornatigummi amigartumik napparsimasut allattaaviini nalunaarsuisarnerit innersuutigineqartareermata, tamatumani maanna assuarliutigineqartalersumik kinguneqaataasartut. Eqqortumik napparsimasut allattaaviini nalunaarsuisarnissaaq uppersaasiisarnissarlu sulisorisanut tamanut, napparsimasunut suliasanun tunngassuteqartunut namminersorlutik akisussaasuusunut, atuutsinneqarpoq, Nunatsinni Nakorsaaneqarfiup "Peqqinnissaqarfimmi uppersaasiisarneq" pillugu ilitsersuutaani 4. oktober 2005-imeersumi allaaserineqartutut. Sulisorisanut paaqqinnittartuusunut pisut peqqissaartumik uppersaaserneqartarnissaat immikkut pingaaruteqartarpoq, pisinnaaffiit akimorlugit suliasanik isumaginninnissap pisariaqartup isumagineqarnissaa pillugu, tamatumunngalu tunngatillugu nakorsamik taassumalu siunnersortaanik nakorsaasiineranillu attaveqarsimarerit ilanngullugit.

### Kalaallit peqqinnissamut assistentit ilinniarsimasut

Peqqinnissamut assistentitut tunngatitanik nakorsaanaanngitsunut maalaarutigineqartartut siornatigut pinerusaluarput. Peqqinnissaqarfimmi sulisorisat pillugit Nalunaarummi peqqinnissamut assistentit kalaallit ilinniarsimasut, PKN-ip suliarisartagaanut akuusussaasutut pineqartartut, akuutinneqanngillat, taamaattumik kalaallit peqqinnissamut assistentit ilinniarsimasut maalaaruteqartarfiup oqartussaaffianiinngillat. 2009-mi kalaallit peqqinnissamut assistentit ilinniarsimasut sulianut naammassineqartunut akuusimanngillat.

### Sulianik suliarinnittarnerup sivisussusia

2009-mi kalaallit maalaarutaannik sulianik suliarinnittarnerup sivisussusia agguaqatigiissillugu qaammatini 15,1-inik sivisussuseqartarpoq, tamannalu ukiup sulianut naapertuuppoq.


Takussutissiaq 21		Peqqinnissamut sulisorisat pillugit suliat maalaarutigineqartartut (ukiuni tallimani agguaqatigiissinneqarnerat)	
Ukioq	Suliat nutaat	*Suliat Nunatsinni Nakorsaaneqarfimmiit aalajangiiffigineqartut	**Suliat PKN-imi aalajangiiffigineqartut
1986 – 1990	17	8	6
1991 – 1995	50	29	14
1996 – 2000	53	15	26
2001 – 2005	64	8	45
2006	81	1***	53
2007	74	1***	46
2008	56	2***	68
2009	71	0	42

\* Nunatsinni Nakorsaaneqarfik

\*\* Sundhedsvesenets Patientklagenævn (Napparsimasut sullinneqartarneranni Maalaaruteqartarfik)

\*\*\* Peqqinnissamut assistentit pillugit maalarutigineqartut, taamaalillutillu PKN-ip oqartussaaffiata avataaniittut

### Nunatsinni Nakorsaaneqarfimmi maalaarutit tigusimasat PNSM-imit suliassaatinik sanilliullugu



Titartagaq 26

Takussutissiaq 22		Peqqinnissakkut sulisorisat pillugit misissuinermi suliarineqartut 2000 – 2009	
Ukioq	Suliat nutaat	* Suliat Nunatsinni Nakorsaaneqarfimmiit aalajangiiffigineqartut	** Suliat PKN-imi aalajangiiffigineqartut
2000	7	5	1
2001	13	10	0
2002	6	9	0
2003	12	15	0
2004	4	6	0
2005	15	9	0
2006	8	12	0
2007	17	11	0
2008	17	14	2
2009	7	14	0

\* Nunatsinni Nakorsaaneqarfik

\*\* Sundhedsvæsenets Patientklagenævn (Napparsimasut sullinneqartarneranni Maalaaruteqartarfik)